

## ԲԱԺԻՆ 4. ՄՇՏԱԿԱՆ ԲՆԱԿՉՈՒԹՅԱՆ ՏՆՏԵՍԱԿԱՆ ԲՆՈՒԹԱԳՐԵՐԸ

Բնակչության տնտեսական բնութագրերի մասին տեղեկատվությունը վերաբերում է ՀՀ 2011թ. մարդահամարին նախորդող շաբաթում (հոկտեմբերի 4-11-ը) 15-75 տարեկան մշտական բնակչության տնտեսական ակտիվությանը:

### Մեթոդաբանական պարզաբանումներ

**4.1 Տնտեսապես ակտիվ բնակչության թվաքանակի** ցուցանիշում ներառվել են *գրադվածներն ու գործազուրկները*, ովքեր դիտարկված ժամանակահատվածում (2011թ. հոկտեմբերի 4-11-ը) աշխատանքի շուկայում ապահովել են աշխատուժի առաջարկը՝ ապրանքների և ծառայությունների արտադրության համար:

*Ջրադված բնակչության թվաքանակի* ցուցանիշում ներառվել են 15-75 տարեկան բոլոր այն անձինք, ովքեր 2011թ. հոկտեմբերի 4-11-ը.

- ունեցել են վարձու կամ ոչ վարձու աշխատանք, անկախ այն հանգամանքից՝ աշխատանքը եղել է մշտական, ժամանակավոր կամ սեզոնային, միանգամյա կամ պատահական (առնվազն մեկ ժամվա),

- տարբեր պատճառներով պայմանավորված՝ ժամանակավորապես, բացակայել են աշխատանքից,

- զբաղված են եղել տնային կամ գյուղացիական տնտեսությունում, իսկ թողարկված արտադրանքը նախատեսված է եղել լրիվ կամ մասնակի իրացման, կամ բացառապես սեփական վերջնական սպառման համար, եթե այդ արտադրանքը նշանակալի մասնաբաժին է ունեցել տնային տնտեսության սպառման մեջ,

- առանց վարձատրության աշխատել են տնային տնտեսությանը կամ ազգականին (բարեկամին) պատկանող ընտանեկան կազմակերպությունում՝ օգնելու, օժանդակելու նպատակով:

**4.2. Զբաղված բնակչությունը** դասակարգվել է ըստ զբաղվածության հետևյալ կարգավիճակների

- **Վարձու աշխատողներ**՝ համարվել են այն անձինք, ովքեր աշխատել են գործատուի հետ կնքած պայմանագրի, ինչպես նաև՝ աշխատանքի ընդունվելու հրամանի կամ զբաղոր (բանավոր) որոշակի համաձայնության հիման վրա և ստացել են դրամական և/կամ բնափրային փոխհատուցում՝ աշխատավարձ կամ դրան հավասարեցված այլ միջոցներ: Վարձու աշխատողներ են համարվել նաև այն տնօրենները, կառավարիչները և այլ ղեկավար պաշտոններ զբաղեցրած անձինք, որոնք հաճախ կատարում են նույն գործառնությունները, ինչ գործատուն, սակայն ովքեր ստանում են աշխատավարձ և/կամ դրան հավասարեցված այլ միջոցներ, այլ ոչ թե՝ եկամուտ գործունեությունից:

- **Գործատուներ**՝ համարվել են այն անձինք, ովքեր ինքնուրույնաբար կամ մի քանի գործընկերների հետ միասին ղեկավարել են իրենց սեփական բիզնեսը և մշտապես վարձել մեկ կամ ավելի աշխատողներ:

- **Ինքնազբաղվածներ գյուղացիական տնտեսությունում**՝ համարվել են այն անձինք, ովքեր զբաղված են եղել գյուղացիական տնտեսությունում եկամտաբեր գործունեությամբ, ինքնուրույն՝ առանց վարձու աշխատողների ներգրավման, կամ **ժամանակավոր** ներգրավմամբ:

- **Ինքնազբաղված այլ գործունեությամբ**՝ համարվել են սեփական գործ ունեցող այն անձինք, ովքեր ինքնուրույն զբաղված են եղել եկամտաբեր (ոչ գյուղատնտեսական) գործունեությամբ, ինքնուրույն՝ առանց վարձու աշխատողների ներգրավման, կամ **ժամանակավոր** ներգրավմամբ:

- **Ընտանիքի օժանդակող անդամներ**՝ համարվել են այն անձինք, ովքեր աշխատել են տնային տնտեսությանը կամ ազգականին (բարեկամին) պատկանող ընտանեկան կազմակերպությունում



(տնտեսությունում)՝ օգնելու, օժանդակելու նպատակով և չեն ստացել դրամական և/կամ բնաիրային փոխհատուցում:

• **Արտադրական/սպառողական կոոպերատիվի անդամներ՝** համարվել են այն անձինք, ովքեր աշխատել են ապրանքների արտադրության և ծառայությունների մատուցման կոոպերատիվում և հանդիսացել են ակտիվ (աշխատող) անդամ, մյուս անդամների հետ հավասար իրավունքով մասնակցել են արտադրության կազմակերպմանը, արտադրանքի իրացմանը, կազմակերպության անդամների միջև եկամուտների բաշխմանը:

• **Այլ կարգավիճակներ ունեցողների թվին են դասվել** այն անձինք, ում զբաղվածության կարգավիճակը թվարկված դասակարգումներից ոչ մեկում ներառված չէ:

**4.3 Գործազուրկների թվաքանակի** մեջ ներառվել են 15-75 տարիքի բոլոր այն անձինք, ովքեր հաշվետու ժամանակաշրջանում միաժամանակ բավարարել են հետևյալ 3 պայմաններին՝

- չեն ունեցել աշխատանք կամ եկամտաբեր զբաղմունք,
- դիտարկված ժամանակաշրջանին նախորդող վերջին չորս շաբաթվա ընթացքում ակտիվորեն փնտրել են աշխատանք՝ օգտագործելով ցանկացած միջոց,
- համապատասխան աշխատանքի առաջարկի դեպքում պատրաստ են եղել անցնելու աշխատանքի՝ առաջիկա երկու շաբաթվա ընթացքում:

Գործազուրկների թվին են դասվել նաև այն անձինք, ովքեր նշել են, որ չեն փնտրել աշխատանք, որովհետև.

- գտել են աշխատանք և կանցնեն աշխատանքի առաջիկա երկու շաբաթում,
- դիմել են աշխատանքի ընդունվելու խնդրանքով և սպասում են պատասխանի:

**Առաջին անգամ աշխատանք փնտրողներին** են դասվել այն անձինք, ովքեր նախկինում ընդհանրապես չեն աշխատել և աշխատանք են փնտրել առաջին անգամ:

**Տնտեսապես ոչ ակտիվ** 15-75 տարեկան բնակչության մեջ ներառվել են բոլոր այն անձինք, ովքեր հաշվետու ժամանակաշրջանում չեն աշխատել կամ զբաղված չեն եղել որևէ եկամտաբեր զբաղմունքով և մարդահամարի դիտարկվող ժամանակահատվածում չեն փնտրել աշխատանք (այսինքն չեն եղել **գործազուրկ**) հետևյալ պատճառներից մեկով պայմանավորված՝

- պատրաստվում են հեռանալ հանրապետությունից,
- պատրաստվում են տեղափոխվել ՀՀ-ում այլ բնակավայր,
- վարում են տնային տնտեսություն,
- աշխատանք գտնելու հույս չունեն,
- չգիտեն՝ որտեղ կամ ինչպես փնտրել աշխատանք,
- առաջարկվող աշխատանքի վարձատրությունը բավարար չէ,
- չունեն մասնագիտական համապատասխան հմտություններ,
- չունեն աշխատելու անհրաժեշտություն/ցանկություն,
- սովորում են,
- տարիքային/ առողջական,
- այլ,

կամ փնտրել են աշխատանք, սակայն պատրաստ չեն եղել անցնել աշխատանքի առաջիկա երկու շաբաթում:

**Տնտեսական ակտիվության մակարդակը** հաշվարկվել է 15-75 տարեկան տնտեսապես ակտիվ բնակչության և 15-75 տարեկան բնակչության թվաքանակների տոկոսային հարաբերությամբ:

**Գործազրկության մակարդակը** հաշվարկվել է գործազուրկ բնակչության և տնտեսապես ակտիվ բնակչության թվաքանակների տոկոսային հարաբերությամբ:

**Զբաղվածության մակարդակը** հաշվարկվել է զբաղված բնակչության և 15-75 տարեկան բնակչության թվաքանակների տոկոսային հարաբերությամբ:

